

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

শনিবার, আগস্ট ২৭, ২০১৬

গণপ্রজাতন্ত্রী বাংলাদেশ সরকার
অর্থ মন্ত্রণালয়
অভ্যন্তরীণ সম্পদ বিভাগ
(কাস্টমস ও মূল্য সংযোজন কর)

প্রজ্ঞাপন

তারিখ, ০৩ ভাদ্র ১৪২৩, বঙ্গাব্দ/১৮ আগস্ট ২০১৬, খ্রিস্টাব্দ

এস,আর,ও নং ২৬৫-আইন/২০১৬/৩৯/কাস্টমস — Customs Act, 1969 (Act No. IV of 1969) এর section 19 এর Sub-section (1), মূল্য সংযোজন কর আইন ১৯৯১ (১৯৯১ সনের ২২নং আইন) এর ধারা ১৪ এর উপ-ধারা (১) এর সহিত পঠিতব্য, এ প্রদত্ত ক্ষমতাবলে সরকার জাতীয় রাজস্ব বোর্ড এর সহিত পরামর্শক্রমে, জনস্বার্থে, 'রূপপুর পারমাণবিক বিদ্যুৎ কেন্দ্র' প্রকল্প বাস্তবায়নের লক্ষ্যে আমদানিকৃত পণ্য, যন্ত্রপাতি ও যন্ত্রাংশ বা পুনঃরপ্তানির শর্তে সাময়িকভাবে আমদানিকৃত যন্ত্রপাতি, যন্ত্রাংশ এবং অন্যান্য পণ্যের উপর আরোপনীয় সমুদয় আমদানি শুল্ক, মূল্য সংযোজন কর, রেগুলেটরি ডিউটি (যদি থাকে), অগ্রিম মূল্য সংযোজন কর ও সম্পূরক শুল্ক (যদি থাকে) হইতে নিম্নবর্ণিত শর্তে এতদ্বারা অব্যাহতি প্রদান করিল, যথাঃ—

শর্তসমূহ

- (১) রূপপুর পারমাণবিক বিদ্যুৎ কেন্দ্র প্রকল্পের আমদানিতব্য বা রপ্তানিতব্য যাবতীয় পণ্য, যন্ত্রপাতি ও যন্ত্রাংশের আমদানিকারক বা রপ্তানিকারক হইবে বাংলাদেশ পরমাণু শক্তি কমিশন;
- (২) সংশ্লিষ্ট প্রকল্প পরিচালক কর্তৃক প্রত্যায়িত চালানওয়ারী ইনভয়েস ও প্যাকিং লিস্ট-এর সাথে আমদানিকৃত পণ্য, যন্ত্রপাতি ও যন্ত্রাংশ কেবল রূপপুর পারমাণবিক বিদ্যুৎ কেন্দ্র স্থাপন প্রকল্পের কাজে ব্যবহৃত হইবে মর্মে বিজ্ঞান ও প্রযুক্তি মন্ত্রণালয় এর ন্যূনতম যুগ্ম-সচিব পদমর্যাদার কর্মকর্তা কর্তৃক ইনভয়েস, প্যাকিং লিস্ট, বিল অব লেডিং বা এয়ারওয়ে বিল বা ট্রাক রিসিট, আমদানি ঋণপত্র বা আমদানি পারমিট নম্বর ও তারিখ উল্লেখপূর্বক পরিশিষ্ট-১ অনুযায়ী প্রদত্ত চালানওয়ারী প্রত্যয়নপত্র সংশ্লিষ্ট কাস্টমস স্টেশন কর্তৃপক্ষের নিকট দাখিল করিতে হইবে;

(১৪২৫৭)

মূল্য : টাকা ৮.০০

- (৩) দফা (২) এ উল্লিখিত পণ্য, যন্ত্রপাতি ও যন্ত্রাংশ এই প্রজ্ঞাপনের উদ্দেশ্য ব্যতীত অন্য কোন কাজে বা উদ্দেশ্যে ব্যবহৃত হইলে আমদানিকারক কাস্টমস কর্তৃপক্ষের গৃহীত যে কোন আইনানুগ ব্যবস্থা মানিয়া নিতে বাধ্য থাকিবেন মর্মে পরিশিষ্ট-২ অনুযায়ী একটি অঙ্গীকারনামা আমদানিকৃত পণ্য খালাসের সময় সংশ্লিষ্ট কমিশনার অব কাস্টমস এর নিকট দাখিল করিতে হইবে;
- (৪) রূপপুর পারমাণবিক বিদ্যুৎ কেন্দ্র স্থাপন প্রকল্প বাস্তবায়নের জন্য পুনঃরপ্তানির শর্তে সাময়িকভাবে আমদানিকৃত যন্ত্রপাতি, যন্ত্রাংশ ও অন্যান্য পণ্যের নাম ও বিবরণ সম্বলিত তালিকা প্রকল্প কর্তৃপক্ষকে আমদানির পূর্বেই সংশ্লিষ্ট কাস্টমস কর্তৃপক্ষের নিকট দাখিল করিতে হইবে। এ সকল পণ্য, যন্ত্রপাতি ও যন্ত্রাংশ প্রকল্প কাজ সম্পন্ন হইবার ০৬ (ছয়) মাসের মধ্যে পুনঃরপ্তানি করিতে ব্যর্থ হইলে প্রযোজ্য সমুদয় শুল্ক-করাদি পরিশোধ করা হইবে মর্মে বিজ্ঞান ও প্রযুক্তি মন্ত্রণালয়ের ন্যূনতম যুগ্ম সচিব পদমর্যাদার একজন কর্মকর্তা এবং আমদানিকারক কর্তৃক পরিশিষ্ট-৩ অনুযায়ী একটি যৌথ অঙ্গীকারনামা পণ্য খালাসের পূর্বে সংশ্লিষ্ট কমিশনার অব কাস্টমস এর নিকট দাখিল করিতে হইবে;
- (৫) রূপপুর পারমাণবিক বিদ্যুৎ কেন্দ্র স্থাপন প্রকল্পের বিদ্যুৎ উৎপাদনের সাথে সরাসরি সম্পৃক্ত নয় এইরূপ কোন পণ্য যেমন, অফিস সরঞ্জামাদি, ২,০০,০০০ (দুই লক্ষ) BTU বা এর নিম্নের ক্ষমতার এয়ারকন্ডিশনার (কোন যন্ত্রের সহিত built-in অবস্থায় আমদানি ব্যতীত), রেফ্রিজারেটর, লাইট ও ফিটিংস, সিডান কার, পিক-আপ, জীপ, স্টেশন ওয়াগন, মাইক্রোবাস, গৃহস্থালি দ্রব্যাদি এবং অনুরূপ অন্যান্য পণ্য এই প্রজ্ঞাপনের অধীনে শুল্ক-কর অব্যাহতিযোগ্য হইবে না; এবং
- (৬) এই প্রজ্ঞাপনের আওতায় অব্যাহতিপ্রাপ্ত আমদানিকৃত যন্ত্রপাতি, যন্ত্রাংশ ও অন্যান্য পণ্য জাতীয় রাজস্ব বোর্ডের অনুমতি ব্যতিরেকে বিক্রয়, হস্তান্তর বা অন্যভাবে নিষ্পত্তি করা যাইবে না।

পরিশিষ্ট-১

[শর্তসমূহের দফা ২ দ্রষ্টব্য]

প্রত্যয়নপত্র

এই মর্মে প্রত্যয়ন করা যাইতেছে যে, বাংলাদেশ পরমাণু শক্তি কমিশন কর্তৃক ঋণপত্র/আমদানি পারমিট নং.....তারিখ....., ইনভয়েস নং.....তারিখ....., বিল অব লেডিং/এয়ারওয়ে বিল/ট্রাক রিসিপ্ট নং.....তারিখ.....এ উল্লিখিত বিবরণ, পরিমাণ ও মূল্য অনুযায়ী আমদানিকৃত যন্ত্রপাতি ও অন্যান্য পণ্য রূপপুর পারমাণবিক বিদ্যুৎ উৎপাদন কেন্দ্র স্থাপনের জন্য আমদানিকৃত এবং উহা পারমাণবিক বিদ্যুৎ উৎপাদন কেন্দ্রে ব্যবহৃত হইবে।

তারিখ:

স্বাক্ষর:

নাম :

পদবী:

সীল:

পরিশিষ্ট-২

[শর্তসমূহের দফা ৩ দ্রষ্টব্য]

অঙ্গীকারনামা

বরাবর

কমিশনার অব কাস্টমস

কাস্টম হাউস,-----।

আমি/আমরা এই মর্মে অঙ্গীকার ও প্রত্যয়ন করিতেছি যে, ঋণপত্র/আমদানি পারমিট নং.....তারিখ....., ইনভয়েস নং.....তারিখ....., বিল অব লেডিং/এয়ারওয়ে বিল/ট্রাক রিসিপ্ট নং.....তারিখ.....এর মাধ্যমে আমদানিকৃত যন্ত্রপাতি, যন্ত্রাংশ ও অন্যান্য পণ্য পারমাণবিক বিদ্যুৎ উৎপাদনের সহিত সম্পর্কিত এবং উহা নির্মাণাধীন রূপপুর পারমাণবিক বিদ্যুৎ উৎপাদন কেন্দ্রে ব্যবহার/স্থাপন করা হইবে। আমি/আমরা আরো অঙ্গীকার করিতেছি যে, আমদানিকৃত যন্ত্রপাতি, যন্ত্রাংশ ও অন্যান্য পণ্য নির্মাণাধীন রূপপুর পারমাণবিক বিদ্যুৎ উৎপাদন কেন্দ্রে ব্যবহার/স্থাপন ব্যতীত অন্য কোন কাজে/উদ্দেশ্যে/স্থানে ব্যবহৃত/স্থাপিত হইলে আমি/আমরা আমদানিকালে উহার উপর প্রযোজ্য সকল গুঞ্জ-করাদি পরিশোধ করিতে বাধ্য থাকিব এবং উহার জন্য কাস্টমস কর্তৃপক্ষ কর্তৃক Customs Act, 1969 এর আওতায় আইনানুগ ব্যবস্থা গ্রহণ করা হইলে উহা মানিতে বাধ্য থাকিব।

তারিখ:

স্বাক্ষর:

নাম :

পদবী:

সীল:

[কাস্টমস স্টেশন কর্তৃক পূরণীয়]

অঙ্গীকারনামার ক্রমিক নং...../.....খ্রিস্টাব্দ বিল অব এন্ট্রি নং.....
.....তারিখ....., এ্যাসেসমেন্ট নোটিশ নং....., তারিখ.....,
পেমেন্ট রিসিপ্ট নং..... তারিখ.....

অঙ্গীকারনামা গ্রহণ করা হইল।

ডেপুটি/এ্যাসিস্টেন্ট কমিশনার অব কাস্টমস
পক্ষে কমিশনার অব কাস্টমস
কাস্টম হাউস,।
(নামীয় সিল)।

পরিশিষ্ট-৩
[শর্তসমূহের দফা ৪ দ্রষ্টব্য]
যৌথ অঙ্গীকারনামা

বরাবর

কমিশনার অব কাস্টমস
কাস্টম হাউস,-----।

আমরা নিম্ন স্বাক্ষরকারীগণ এই মর্মে অঙ্গীকার করিতেছি যে-

- (ক) রূপপুর পারমাণবিক বিদ্যুৎ কেন্দ্র প্রকল্পে ব্যবহারের জন্য সহায়ক যন্ত্রপাতি, যন্ত্রাংশ এবং অন্যান্য পণ্য পুনঃরপ্তানির ভিত্তিতে সাময়িকভাবে আমদানি করা হইয়াছে। চালানটি ভেসেল-----, পালা নং-----/ফ্লাইট নং-----/কার পাস নং----- তারিখ----- এর মাধ্যমে আমদানিকৃত, যার বিল অব লেডিং নং----- তারিখ-----/এয়ারওয়ে বিল নং-----তারিখ-----/ট্রাক রিসিপ্ট নং-----তারিখ----- এবং ইনভয়েস নং-----তারিখ-----। আমদানিকৃত চালানটি শুদ্ধায়নের জন্য আমদানিকারক (সেক্ষ ক্লিয়ারেন্স)/আমদানিকারক মনোনীত সি,এন্ডএফ এজেন্ট কর্তৃক বিল অব এন্ট্রি নং-----তারিখ----- নোটিং করা হইয়াছে;
- (খ) আমদানিকৃত পণ্য, যন্ত্রপাতি ও যন্ত্রাংশ শুধুমাত্র রূপপুর পারমাণবিক বিদ্যুৎ কেন্দ্র প্রকল্পের কাজে ব্যবহৃত হইবে;
- (গ) প্রকল্প কাজ সমাপ্ত হইবার ৬ (ছয়) মাসের মধ্যে আমদানিকৃত পণ্য, যন্ত্রপাতি ও যন্ত্রাংশের পুনঃরপ্তানি সম্পন্ন করা হইবে;
- (ঘ) আমদানিকৃত পণ্য, যন্ত্রপাতি ও যন্ত্রাংশ জাতীয় রাজস্ব বোর্ড এর পূর্বানুমতি ব্যতীত স্থানীয়ভাবে বিক্রয়, হস্তান্তর বা অন্যবিধভাবে নিষ্পত্তি করা হইবে না; এবং
- (ঙ) এই অঙ্গীকারনামার যে কোন শর্ত ভঙ্গ হইলে বা প্রতিপালন করিতে ব্যর্থ হইলে আমরা পণ্য চালানোর উপর আমদানি পর্যায়ে প্রযোজ্য যাবতীয় শুল্ক-করাদি কাস্টমস কর্তৃপক্ষের নিকট পরিশোধে বাধ্য থাকিব এবং উহার জন্য কাস্টমস কর্তৃপক্ষ কর্তৃক Customs Act, 1969 এর আওতায় গৃহীত আইনানুগ ব্যবস্থা মানিয়া নিতে বাধ্য থাকিব।

স্বাক্ষর:.....

নাম:.....

পদবী:.....

সীল:.....

বাংলাদেশ পরমাণু শক্তি কমিশন প্রতিনিধি

স্বাক্ষর:.....

নাম:.....

পদবী:.....

সীল:.....

বিজ্ঞান ও প্রযুক্তি মন্ত্রণালয় প্রতিনিধি

[কাস্টমস স্টেশন কর্তৃক পূরণীয়]

যৌথ অঙ্গীকারনামার ক্রমিক নং...../.....খ্রিস্টাব্দ বিল অব এন্ট্রি
নং.....তারিখ....., এ্যাসেসমেন্ট নোটিশ নং.....
তারিখ....., পেমেন্ট রিসিপ্ট নং.....তারিখ.....

যৌথ অঙ্গীকারনামা গ্রহণ করা হইল।

ডেপুটি/এ্যাসিস্টেন্ট কমিশনার অব কাস্টমস
পক্ষে কমিশনার অব কাস্টমস
কাস্টম হাউস,।
(নামীয় সিল)।

রাষ্ট্রপতির আদেশক্রমে

মোঃ নজিবুর রহমান

সিনিয়র সচিব।

মোঃ আব্দুল মালেক, উপপরিচালক, বাংলাদেশ সরকারি মুদ্রণালয়, তেজগাঁও, ঢাকা কর্তৃক মুদ্রিত।

মোঃ আলমগীর হোসেন, উপপরিচালক, বাংলাদেশ ফরম ও প্রকাশনা অফিস,

তেজগাঁও, ঢাকা কর্তৃক প্রকাশিত। website: www.bgpress.gov.bd